


了本生死經  
自誓三昧經

百六十一  
女四

48413



元祿九年丙子二月日重脩

皇國聖國 帝階級昌

佛日增輝 德輪榮轉

山城州天安寺法金剛院置



二經同卷<sup>四</sup>

了本生死經

佛說自誓三昧經

了本生死經

吳月支優婆塞支謙譯

佛說是若比丘見緣起為見法已見法為見

我於是賢者舍利弗謂諸比丘言諸賢者佛

說若諸比丘見緣起為見法已見法為見我

此謂何義是說有緣若見緣起無命非命為

見法見法無命非命為見佛當隨是慧彼有

二事見外緣起有二事見內緣起合為四何

謂二事見外緣起為因相縛緣相縛因相縛



女

爲何等從種根從根葉從葉莖從莖節從節  
懷華從花實是爲因相縛何謂緣相縛爲地  
種水種火種風種空種從是因緣有種生彼  
地爲持種水爲潤種火爲熱種風爲起種空  
爲令種無礙如是得時節會令種生彼種不  
知我生根根不知從種有根不知我生葉葉  
不知從根有葉不知我生莖莖不知從葉有  
節懷華實亦不自知轉相生有又地不知我  
生種種亦不知地持我水亦不知我潤種種  
亦不知水潤我至火風空皆不相知是諸賢  
者從因緣有得時會令種生爲非自作非彼  
作亦非無因生當以五事見外緣起何謂五

一非常二不斷三不踏步四種不敗亡五相  
像非故彼種已壞為非常有根出為不斷種  
根分異為不踏步少種多生實為不敗亡實  
生如種根非故種為相像非故當知是二事見  
內緣起因相縛緣相縛何謂因相縛緣不明  
行緣行識緣識名色緣名色六入緣六入更

樂緣更樂痛緣痛愛緣愛受緣受有緣有生  
緣生老死憂悲苦懣心惱如是是但大苦性具  
成有彼不明不知我作行行不知從不明有  
行不知我作識識不知從行有識不知我作  
名色名色不知從識有六入更樂痛愛受有  
生至于老死亦轉不知是從不明有行從行

有識從識有名色從名色有六入更樂痛愛  
受有生老死憂悲苦懣心惱如上說是但大  
苦性具成有彼若無生則無老死憂悲苦懣  
心惱是諸賢者因緣起故緣是生法有緣起  
不緣生法有緣生法不緣起有緣起緣生法  
有不緣起不緣生法何謂緣起不緣生法爲  
緣不明行緣行識緣識名色至于老死大苦  
性具成有如上說是謂緣起非緣生法何謂  
緣生法非緣起爲如不明行識名色六入更  
樂痛愛受有生老死是謂緣生法非緣起也  
何謂緣起緣生法若出生住不斷老死之生  
是出生住因緣相近因有相近因微相近因

諦相近因如相近無異相近不狂相近緣起  
相近以緣生如是法有受愛痛更樂六入名  
色識行是謂緣起緣生法何謂不緣起不緣  
生法謂得道者彼何謂不明為如六種六種  
受若女若男何謂六為地種水種火種風種  
空種識種彼身得住是為地種如持不散是  
為水種飲食嘗啖卧得善消是為火種身中  
出息入息是為風種四大所不能持是為空  
種隨轉如雙箭竿是為識種如彼地種非女  
非男非人非士非身非身所非人生非少年  
非作無作者非住無住者非智無智者非衆  
生非吾非我非彼有無有主水火風空種亦

如是識種非女非男非人非士非身非身所  
非人生非少年非作無作者非住無住者非  
智無智者非衆生非吾非我非我有無有主  
如是但從六種爲一想爲合想爲女想爲男  
想爲淨想爲身想爲自在想爲強自在作受若  
千種故爲不明時說曰性癡淨常想樂想身  
想疑嫌妄非上要佛說是不明亦爲染於物  
無慧生妄故爲不明妄故爲行知物故爲識  
五性故爲名色猗名色根故爲六入三會故  
爲更樂更樂行故爲痛痛而樂故爲愛愛弥  
廣故爲受受當復有行故爲有五性具成故  
爲生諸種熟故爲老命根噤閉故爲死熱中



為憂狂語為悲臨五識身合為五苦心識身  
合為憊心念勞為惱有故生有如是見知彰  
顯是說具憊大苦性足從是受凶衰著故復  
生其始不可見知不可度量又冥為不明義  
作成為行義知為識義緣任彼彼相倚為名  
色義任亦不專為六入義更亦合會為更樂  
義從知為痛義渴欲得物如火無馱為愛義  
取為受義當復有為有義五性仰為生義熟  
為老義行虧為死義如是義說亦為十二緣  
起相又從不明近福德行作近罪賊行作是  
謂緣不明行有諸行故近福不福而有識是  
謂緣行識由識作性行名色具成生是謂緣

識名色是緣生作作輒受是謂緣名色六入  
眼識會更樂是謂緣六入更樂如更樂痛知  
亦亦是謂緣更樂痛死不知痛者爲行別故  
從愛像轉取是謂緣痛愛從愛像更吞是謂  
緣愛受有受爲三行身口意是謂緣受有有行  
勞當復有具成生是謂緣有生五性已成故  
有老死是爲十二緣起隨轉宛轉造作田業  
識造種行不明造對行如地持種水令種不散  
火令種熟風令種起空令種無礙行造田業  
亦如是愛造潤行彼行不知我造田業愛不  
知我爲潤行識不知我爲種行不明不知我  
爲對行如地不知我持種水火風空如上說

從有行勞當復有具成生此亦無有從是世  
踏步者但因緣相持譬如鏡淨明朗緣內外  
生面像面亦不死此生彼鏡中從有面因緣  
不虧是不死此而生彼為有苦情因緣不虧  
從是有受如火以受不斷現晝夜然其炎不  
步識亦如是不身相縛往來五道有緣故生  
是法無主譬如月圓四十九由延而圓形現  
於下水有緣不虧非月死彼而於此生觀生  
死當如是是為因相縛何謂緣相縛如佛告  
阿難眼緣色生眼識彼眼不知我作猗行色  
不知我為識對明不知我為識照空不知我  
令識無礙識不知我生此作有眼色明空念

令眼識具成生耳鼻口身心緣法生心識彼  
眼不知我為識作猗行法不知我為識作行  
心不知我為識作明空不知我令識無礙識  
不知我成此因緣是阿難緣心法明空念令  
心識具成生而此非自作非彼作非兩作非  
無因生非我故非彼故非無因有當以五事  
見內緣起何謂五非常不斷不步少行多報  
相像非故彼如死際身已壞為非常出生有  
身分為不斷或同去或異去分異故為不步  
少行多報報謂行不敗亡如行報生非故像也  
若見此緣起無命非命為見法見法無命非  
命為見四諦苦集盡道譬如明人見師成盡歎

其盡好師妙見四諦者亦如是佛一切知一切  
見從是得喜不離佛得法衆至真戒言不離

了本生死經



佛說自誓三昧經

獨證品第四

出比丘淨行中

後漢安息沙門安世高譯

聞如是一時佛遊摩竭提界梵志精廬大叢  
樹間玃露精舍所止道場名曰顯颺獨證初  
始得佛光影甚明自然寶零蓮華之座與大  
比丘衆比丘三萬二千皆阿羅漢諸漏已盡

意所揔持揔攝諸根三卅自在神通無礙譬  
如大龍所作已辦聖慧具足暢衆生原賢者  
舍利弗大目捷連等菩薩無數皆不思議權  
行普具遊諸佛藏過諸魔行等恒沙刹弼悲  
六度隨時拯濟衆生獲安遠捨名教光卅音  
慈氏等皆如是上首者也於是如來便入神  
靜化證三昧普感恒沙諸佛世界於佛座前  
忽有蓮華座自然踊從地出其華清香明徹  
十方其華千葉一一葉上有化菩薩立侍座  
序玄處虛空各從其位五體投地右遶七帀  
當前恭立俱發洪音歎未曾有唯然卅尊我  
等自於本刹見有化靈瑞樹其樹初生光照

恒沙諸佛世界樹出洪音其聲清淨哀雅慈和暢入衆心間者踊躍具足平等興大乘行六度無極三十七品備悉佛事今時恒沙出世一一如來各遣菩薩宣揚道教光顯大乘告其菩薩曰汝等從此佛土度如恒沙等刹有佛土名曰沙呵漢言忍界其佛名能仁如來無所著至真等正覺以法律神足言教作佛事一一如來手執千葉蓮華授其菩薩而告之曰汝持吾名致敬無量欣承正士功成志就道體備足降神五濁爲衆重任超次踔第在弥勒前弘慈六度普濟群生興居輕利道教勝常今致此華成法供養願使一切普



會道場彼諸菩薩承佛威神各從其刹忽然  
不現潛定寂靜三昧入觀三昧須臾之頃俱  
到忍界各離其座端嚴恭立歸崇聖化五體  
投地退遶七帀却住本位神足玄處威儀肅  
然法服正齊俱發洪音前白佛言我等世尊  
本土如來致敬無量欣承功成志就道體備  
足降神五濁爲衆重任超次踔第在弥勒前  
弘慈六度普濟群生興起輕利道教勝常今  
贈此華成法供養願使一切普會道場佛言  
正士欣承彼諸如來慧教不倦三昧通暢法  
身空淨智明弘備此彼等一欽歌所聞光慶  
無量今時能仁如來手受此華欣然而笑光



百福成一相

願禮三世尊

妙哉大聖化

慈悲無有邊

道教清且貴

釋師天中天

大智高無上

法船濟群生

聖慧淨無量

願禮無上尊

妙哉大聖化

慈光潤恒沙

愚冥悉已除

迷悟及濁清

惠澤隨時宜

善權接群生

法橋度一切

願禮三界尊

於是聖師告賢儒曰諸佛法咲有三因緣何謂為三薩云若智深遠微妙暢明三世達衆生源三乘趣向各有本行根信具足或有菩薩志存弘誓被大德鎧為衆重任斷所趣向為世橋梁專推六度不捨一切道住漸著勇猛精進布施無相戒忍護行禪定不亂惠智

清明向不退轉是等賢儒佛明悉見一一授  
決非但一佛授其人決十方現在諸佛皆授  
其決是一因緣復次賢儒若有菩薩向阿惟  
顏積殖德本具足聖慧供養恒沙無量諸佛  
一一授決決決相明明淨佛土等潤衆生普  
同一行招來諸佛賢聖太仁於四駛流爲大  
法船竭六欲海枯十二門入五道淨五眼凝  
神玄寂覩兜術宮集諸菩薩達士正士淨三  
界行講不退輪十方現在諸佛於四部衆皆  
共讚歎如此菩薩稱揚其德言當降神作佛  
不久十方衆生普得解脫是二因緣復次賢  
儒若有菩薩於兜術宮畢彼天壽當下降神

便入究竟廣現三昧淨居諸天普觀三千大千之刹國邑寬大衆生輒和刹刹梵志長者居士何城何邑百億之中有道有德清淨淳淑仁和慈惠轉輪聖王正處天竺議集降神諸天翼從現居宮中侍女宿衛現學盡俗觀四非常淨居天子勸進出家入山研精坐貝多樹去駿自誓作比丘像修先佛法以法爲師淨居爲證一夜三達降魔官屬具足佛事靈瑞之樹普出恒沙諸佛世界一一如來於其刹土八部衆中讚歎坐樹菩薩功德如此各各遣其土菩薩往贈華致敬讚揚大乘如此賢儒十方現在諸佛皆共知之善慶衆生

普會道場是三因緣是等菩薩來者皆是如來  
本因緣人因此說法皆當逮得無所從生或  
向童真或向了生向阿惟顏故如來一一授  
決分明具足當知正士佛不妄笑說是語時  
七十億那術菩薩得童真位六十億那術菩  
薩得了生位三十億那術菩薩得阿惟顏百  
千比丘得阿羅漢九十億那術人得踐道迹  
三界諸天普得法明於是聖師而作頌曰  
法界一切空 色身清淨真 揔持度無極  
三昧無有因 佛界亦不空 慧淨亦不有  
哀世表微笑 正士宜速受  
於是坐中有菩薩名曰明見光賢即從座起

正衣服偏露右臂下右膝長跪叉手前白聖  
師欲有所問唯願聖師以無量慧照釋未聞  
世尊曰善哉恣汝所問今當爲汝具敷大要  
明見光賢菩薩曰何謂菩薩正士出家具足  
道證至薩云然於是聖師告曰正士善聽著  
意具思其要諸佛出家要有起發端坐閑思  
玄靜通微夫專精念道必有所感應感者淨  
居天子梵王自在便勅帝釋化四非常老病  
死像因此說證離欲苦難念道清淨當處山  
澤研精行禪此意方興四王已下給侍所當  
詣貝多樹憶念先佛出家之法以法爲師天  
梵爲證信根內固宿習六度四等四恩四禪

行五神通善權隨時三十七品具足佛事發  
意已來不捨一切忽然自悟帝釋便下剃刀  
授之於是菩薩左手執髮右手持刀心自念  
言刈習苦垢殖無著根斷不退流通泥洹源  
從始起意常得去家堅固之志心無懈倦深  
不退轉信證具足意思分明刀未近髮忽便  
自墮肉髻自然明顯菩薩心念先佛出家去  
髮應有袈裟法服檢心方興此念淨居天子  
即取色界天劫波育自然袈裟以上菩薩惟  
願正士受是法服菩薩即受以被著身在體  
正齊威儀肅然於是恒沙無量世界諸佛盡  
通相見各送袈裟授與菩薩菩薩即受諸佛



袈裟彼此諸佛普現威神盡令諸佛所送袈  
裟合成一服名曰薩波佛頭震越此衣今在  
梵天所以端坐六年以畢宿緣六年後夜戒  
證方現何謂戒證志在閑寂山澤受法神真  
操遠持戒行道不惜壽命棄捐身體齊等万  
物不求利養守空行寂常觀淨法行淨四等  
慈悲喜護宣暢四恩惠施人愛利人等利具  
無盡哀明釋四禪無瑕穢無黠念遠眼色捨  
耳聲止鼻香絕口味外更樂息意念滅六欲  
棄本習色止色聲止聲香止香味止味樂止  
樂念止念淨色生斷耳聲靜鼻根拔口力息  
樂定任覺意色非色無非色無滅色不色色

捨諸大棄本習聲非聲無非聲不聲聲捨彼  
受止此起彼無緣對歸本斷香非香不非香不  
香香神空淨淨神足味非味不非味不味味  
寂微弱強根力樂非樂不非樂不樂樂四大  
淨淨本住心意識緣七法七法淨淨所向心  
無心不非心不心心意識無意不非意不意意

識無識不非識不識識非意識合爲一以知  
一而除一不於一而有動空本地淨本向棄  
名譽捨諸入無種性不群從遠形法無吾我  
無人壽捨命求無三界想無識無吾無我無  
人無命無意無名無種無化無數無作無所  
從來無所從去無起無滅無身無犯無口無

言無心無念無世事無計想無事緣無所任  
亦無有戒亦無有我無成念無敗壞是名禁  
戒內外淨戒佛禁戒無瑕穢亦無著戒者亦  
無瞋無恚安之清淨就度世道菩薩正士初  
坐樹下始淨戒證棄欲苦本捨分散意無起  
想不動想不微想不我想不彼想不中想不  
彼此想不中外想無道想無俗想無滅想滅  
無想無無無想想無無無想盡無盡想如是  
正士坐樹菩薩立證淨本千八百戒此數始  
訖金剛之座忽然從地裂而出第六魔宮而  
大傾動三界諸天不安本位皆共俱下詣貝  
多樹供侍所當恒沙世界忽有洪音洪音之

中云坐樹菩薩是夜啓證衆生各各皆聞皆  
見如是正士是爲菩薩具足戒證成薩云然  
三達六通三十七品十八不共十力神通四  
無所畏一切普具三千世界六反震動功德  
降魔光明普照恒沙世界衆生蒙此慈光一  
時得安普發無上正真道意佛說是時八百  
比丘得阿羅漢三萬天人皆得法眼三千清  
信士得阿那含賢儒正士等皆達了生一切  
衆會普發無上正真道意於是聖師告賢儒  
曰昔吾一時遊向睽弥國尔時天魔部黨忽  
與部屬來入大衆作異被服與衆同處動共  
諍訟更相誹謗兩頭謳合生死比丘不閑道

體恚心忿惱各自離群馳散惟羅漢真人各  
之山林尔時賢儒夏三月已過歲暮已至當  
鉢和蘭十四日夜明星出時惟勅阿難鳴捷  
搥布草褥唯與阿難共鉢和蘭尔時淨居天  
子於虛空中白佛世尊今比丘衆各共分散  
今佛受歲何其獨自佛告天子昔吾出家以  
汝爲證詣貝多樹汝復爲證今我受歲汝復  
爲證於閻浮利周回三千無量世界多薩阿  
竭成薩云然凡從得佛至于泥日汝爲三證  
明體具足當知天子多薩阿竭道惠神通獨  
步三界由復須證而況一切凡爲道者可無  
師乎又告淨居末世多人志在清白道心貞

明不樂世俗隱處山林審有去家堅固之志  
若無師長可宗法者當如摩訶迦葉出家之  
法遠欲捨爲證遠俗捨爲證遠名譽譽  
捨爲證遠形法忘形爲證遠內外求捨求爲  
證如是等天子摩訶迦葉以此五證便下鬚  
髮被袈裟師自然法淨感十方諸佛求哀自  
陳仰惟佛出家之法稱淨居爲證此三分證  
明便成比丘專行十二頭陀一一堅固無起  
想證今時迦葉即於樹下具五神通末後見  
佛六通即備如是天子末世比丘善思此法  
莫自貢高求名毀衆以望供養亦不可以苟  
有此法背衆不師於師此法謂都無比丘衆

可為師者慕行此法若有僧者當求僧為證  
佛法眾此三寶等於如來故多薩訶竭稱明  
律比丘僧眾以為上頭當知天子比丘僧中  
必有三乘說是語時淨居天子及八部眾聞  
經歡喜作禮而去

佛說自誓三昧經

了本生死經

女

躡音除進

蕙音悶

嘗音

啖下音

箭下音

竿下音

夫下音

服下音

也音

於離反

自誓三昧經

精廬

下力余反

颺音羊

蹕音

也音

超音

潛音

昨音

反也 笑

二同上

廓如

空也

若郭反

也音

又苦

苦愛

反 疑

魚陵

濡和

上正

作

溥淋

下音

常倫

反 踐

西	雅	舍	音	甲	反
土	梵	睽	躡	賤	一
無	語	弥	刈	疑	魚
鍾	以	夫	割	反	魚
以	一	漆	也	吠	陵
此	反	反	反	濡	和
代	無	又	操	輒	上
之	正	謳	遠	音	正
也	翻	反	到	上	軟
	謂	侯	反	七	作
		捷	志	淳	淋
		追	一	紆	上
		反	怒	避	下
		音	也	反	音
		正	乳	反	熟
		云	下	舍	倫
		捷	直	作	反
				正	踐





